

episcopo Leodiensi cum civitatibus et villis et populo suis
 subditis de rebus ecclesie sue contendente multisque nobi-
 libus et potentibus consanguineis episcopi sibi astantibus
 in exercitu congregatis ^{et} circa civitatem Leodiensem in castris
 considentibus, ubi etiam pro parte episcopi affuit Carolus
 rex Romanorum supradictus, quadam die commisso certa-
 mine omnes illi nobiles a facie populi ignobilis et respectu
 virium adversi exercitus impotentis longa dantes ingominorum
 sue glorie maculam intulerunt, interfectis nonnullis con-
 stantibus in acie notabilis audacie viris, inter quos cecidit ibi
 dem nobilis de Valkenborch cum nonnullis suis satellitum mi-
 litibus et de electis militibus Adolphi comitis de Monte quam-
 plures preclari viri. Sed quia in rebus mundanis continua
 vertitur mutatio brevi postmodum temporis intervallo par-
 tibus dicti episcopi Leodiensis populi sibi rebellantis iterum
 in acie congregatis victoria episcopo accedente de populo sibi rebel-
 lante fuerunt multa milia interfecti.

1346 iul. 19.

1347 iul. 21.

Circa^{a)} haec tempora duo filii^{a)} Wilhelmi marchionis Juliacensis
 in annis adhuc adolescentie constituti, quorundam de patria
 consilio depravati nature postposita reverentia dictum mar-
 chionem patrem suum repentes in vincula coniecerunt ipsum
 per aliquot annos in arcta carceris custodia^{b)} detinentes.

^{a)} Dux Juliacensis per
 filios capitur in marg.
 cod.

Et post modicum tempore cum Reynaldus dux Flevie re-
 lictis duobus filiis decessisset, minor filius contra seniorem,

^{b)} Dux Flevie capitur
 per fratrem in marg.
 cod.